

hat er sich gelähmet/ gefrazet/ gezerzt/ gestreiffet oder gestossen/vnd in allerley sachen stehet er in grosser gefahr darmit/vnd ist im vnleidenlicher an dieser denn aber an der anderē hand oder finger/ da jm noch nichts gebrochen hat/ kan nun einer von sich selbst die rechnung machen / so mache man ein gleiche oder viel grössere rechnung von eines newgebohrnen Kindleins wegen/ vnd bedencke man wie ihm sey / wenn man dieses grob anrühret / oder auch lähmet mit mancherley sachen / als mit rauhen Händen/rauhem wülenen sachē außleinwahrt/ newem rauhem tuch bereitet/warmen oder heissen Banden/ rauhem vnd hartem liegen auff stechendem geschnittenem stroh/ spreuer / spälzen oder reinen hobelspänen/ wie auch stechenden groben fäden / oder dürzem buchen Laub. Legen des Kinds Hauptlein in ein gemacht lötschlein des Beths/vnd vermeynen also dem Kind ein rundes Haupt zuziehen. Legen es auch auff den rücken / damit es also stracks vber sich sehen möge / welches denn die Kinder gewaltig zur Melancholey befördert / wie auch zu den Sichten oder Kinde wehe genant/ denn sie viel schreckhafftiger seind/ so sie also auffrecht mit ihren Häupten liegen / denn wenn sie ein wenig beyseits auff den Schläffen legen / vnd kein löch

Ein zartes  
Kindlein  
sol man  
nicht mit  
grogen vnd  
rauhem  
händen an-  
rühren.

Wie vnd  
worauff die  
Kinder zu  
legen.

Was auff  
dem rücken  
liegen junge  
vnd alten  
Menschen  
für schaden  
bringe.